



Broj: 01/3-50-1-25-20/05
Sarajevo, 12. aprila 2005. godine

**Z A P I S N I K
20. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 12. aprila 2005. godine**

Sjednica je počela u 9:00 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Marija Perkanović, Filip Andrić, Mladen Potočnik, Azra Hadžiahmetović, Fatima Leho, Izet Hadžić i Ibrahim Đedović.

Opravnado odsustvala sa sjednice Dušanka Majkić.

Sjednici su prisustvovali: Stjepo Pranjić, savjetnik ministra vanjske trgovine i ekonomskih odnosa; Dragiša Stanković, predsjednik Konkurencijskog vijeća; Gordan Raspudić, član Konkurencijskog vijeća; Edin Isanović, istraživač asistent u Istraživačkom centru BiH i Emira Češljarić, sekretar Komisije.

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika 19. sjednice Komisije
2. Razmatranje Prijedlog zakona o konkurenciji sa amandmanima, predlađač Vijeće ministara BiH
3. Tekuća pitanja.

Ad-1

Zapisnik 18. sjednice Komisije usvojen je jednoglasno, bez primjedbi.

Ad-2

Razmatranje Prijedlog zakona o konkurenciji sa amandmanima

Komisija je na 19. sjednici održanoj 24. marta 2004. godine razmatrala Prijedlog zakona o konkurenciji i obavila opću i raspravu o pojedinostima o navedenom Zakonu. Imajući u vidu da je rok za podnošenje amandmana na Zakon bio u toku, Komisija je z a k l a u č i l a da članovi Komisije, ukoliko imaju primjedbi za izmjenu i dopunu teksta Prijedloga zakona u roku za amandmansku fazu, predlože amandmane.

Glasanje o principima Zakona nije obavljeno na 19. sjednici Komisije, te je glasanje o proincipima Zakona obavljeno na ovoj sjednici.

Članovi Komisije su jednoglasno podržali principe Zakona.

Konstatirano je da su na Prijedlog zakona Marija Perkanović i Dušanka Majkić predložile amandmane.

Prije početka rasprave o amandmanima, Marija Perkanović izjavila je da odustaje od predloženih amandmana.

Komentar na predložene amandmane u pismenoj formi ispred Vijeća ministara dalo je Ministarstvo vanjske trgovine i ekonomskih odnosa koje je obrađivač Zakona, koji je uručen članovima Komisije.

U diskusiji su učestvovali: Marija Perkanović, Mladen Potočnik, Fatima Leho, Azra Hadžiahmetović.

Marija Perkanović smatra da odredbe prijedloga izmjena i dopuna Zakona nisu usaglašene sa entitetskim vlastima i da Uredi za konkurenciju i zaštitu potrošača trebaju ostati pri nadležnim entitetskim ministarstvima, kako je to sada regulirano Zakonom o konkurenciji koji je na snazi.

Predstavnici predlagača istakli su da je Vijeće ministara usvojilo principe i akcioni plan za izradu teksta Zakona o konkurenciji; da je usvajanje Zakon o konkurenciji jedan od 16 prioriteta iz Studije izvodljivosti; da je u odnosu na sadašnji Zakon usvojen 2001. godine trebalo izvršiti 2/3 njegovih izmjena i dopuna radi čega je urađen tekst prijedloga zakona u cjelini u koji su ugrađene izmjene i dopune nastale u intervalu od 2001-2005 godine. Za izradu ovog prijedloga dobijena je saglasnost i resornog ministarstva Vlade Republike Srpske.

Komisija je sa sedam glasova "za" i jednim glasom "protiv" **usvojila Amandman na član 25. stav (5)** Dušanke Majkić koji glasi:

Amandman I

U članu 25. stav (5) mijenja se i glasi:

" (5) Konkurencijsko vijeće podnosi na usvajanje Vijeću ministara BiH izvještaj o radu kao i godišnji izvještaj. Usvojen godišnji izvještaj o radu Konkurencijsko vijeće objavljuje u javnosti".

Nakon glasanja o amandmanu glasalo se o Prijedlogu zakona.

Komisija je sa pet glasova "za", jednim glasom "protiv" i jednim "uzdržanim" prihvatila tekst Prijedloga zakon o konkurenciji s usvojenim amandmanom i zaključila da je neophodno donijeti Zakon i predložiti će Predstavničkom domu njegovo usvajanje.

Na osnovu člana 89. Poslovnika za izvjestioca na plenarnoj sjednici imenovan je predsjedavajući Komisije.

Ad-3

Mladen Potočnik istakao je, da je prema informaciji Agencije za statistiku BiH izvoz u periodu januar-februar 2005. godine porastao za 13%, a uvoz za 23% i ako nastavi tim rastom deficit do kraja godine iznositi će 6 milijardi KM.

Predložio je da se ministar vanjske trgovine i ekonomskih odnosa pozove da na narednoj sjednici informiše Komisiju, što bi bila i tačka dnevnog reda, šta Ministarstvo namjerava i šta je učinilo u pravcu predlaganja mjera (u svojstvu kontrolora, prometa roba i usluga koji imaju poseban režim u prometu u izvozu i uvozu) za smanjenje negativnog trenda.

Prijedlog Mladena Potočnika je podržan i z a k l j u č e n o je da se uputi dopis ministru vanjske trgovine i ekonomskih odnosa koji bi za narednu sjednicu pripremio i predložio mjere o smanjenju rasta deficita koji nastaje povećanjem uvoza roba, koje bi Komisija razmatrala i zauzela stav.

Sjednica je završena u 9:40.

Sekretar Komisije
Emira Češljarić

Predsjedavajući Komisije
dr Petar Kunić